



Inatsisartuni ilaasortaq Pele Broberg, Partii Naleraq
/maani

Mittarfeqarfiit pillugit § 37 naapertorlugu apeqquteqaammut 2019-038-mut akissut

05-02-2019
Suliaq normu: 2019 - 1360
Id normu 38013170

Asasara Pele Broberg

Inatsisartut suleriaasianni § 37 naapertorlugu apeqquteqaatinut nassiussannut qujanaq. Apeqqutit matuma kinguliani ataasiakkaarlugit allanneqarput, akissummillu malitseqarlutik.

Postboks 909
3900 Nuuk
Tlf.: (+299) 34 50 00
E-mail: box909@nanoq.gl
Fax: (+299) 34 63 56
www.naalakkersuisut.gl

Apeqqut 1. Naalakkersuisut pilersaaruteqarnerlutik Mittarfeqarfiit allaffeqarfiat Kangerlussuarmut imaluunniit Sisimiunut nuusserlugu? Tamanna ilumoorpat paasissutissiissutigineqassasoq kissaatigineqarpoq.

Akissut: Naalakkersuisut maannangaaq Mittarfeqarfiit allaffeqarfiannik nuussinissamik pilersaaruteqanngillat.

Apeqqut 2. Kalaallit Airports A/S-ip Nuuk-mi aamma Ilulissat-ni mittarfiit tinguppagit Mittarfeqarfiit timmisartoqarfiit aamma qulimiguulimmut mittarfiit akisussaaffigissavai?

Akissut: Maannamut ingerlanneqartutut Mittarfeqarfiit Kalaallit Nunaanni mittarfiit qulimiguulinnullu mittarfiit ingerlanneqarnerinik isumaginnittuuginnarissaat naatsorsuutigineqarpoq.

Apeqqut 3. Qaqortoq-mi qulimiguulimmut mittarfik Namminersorlutik Oqartussat akisussaaffiginnassavaa imaluunniit Kalaallit Airports A/S-ip akisussaaffigilissavaa?

Akissut: Qaqortumut Qaqortumiillu angallannerit tamarmik mittarfik nutaaq tunngavigissavaat. Mittarfik ammarpat, maanna Qaqortumi qulimiguulinnut mittarfiusup matuneqarnissaa siunnerfigineqarpoq.

Apeqqut 4. Kaaviiartitat qanoq annertutigisut annaaneqassappat Mittarfeqarfiit ingerlatalugit akisussaaffigisimasai mittarfiit Nuuk aamma Ilulissat, kiisalu Qaqortoq-mi qulimiguulimmut mittarfik Kalaallit Airports A/S-imut nuunneqassagalarpata?

Akissut: Paasissutissat Naalakkersuisut nittartagaanni inuiaqatigiit aningaasaqarnerannut kingunerisassanik naliliineq, imm. 2-mi kiisalu nalunaarusiani tassunga tunngaviusuni tamanit pissarsiarineqarsinnaapput uani <https://naalakkersuisut.gl/kl-GL/Naalakkersuisut/Naalakkersuisoqarfiit/Boliger-og-Infrastruktur/Lufthavnsapakken>

Apeqqut 5. Akit Mittarfeqarfinni atorneqartut Kalaallit Airports A/S-imut akisussaaffik nuunneqarpat allangussappat?

Akissut: Mittarfeqarfinni akit akiliisarnerillu mittarfiit pillugit Inatsisartut inatsisaat nr. 12, 5. december 2008-meersumi maleruagassiuunneqarput. Kalaallit Airports A/S-imi akit akiliisarnerillu Nuummi aamma Ilulissani nunanit tamalaanit mittarfiit kiisalu Qaqortumi nunap immikkoortuani mittarfiup sananeqarnissaannut, ingerlanneqarnissaannut aningaasalersorneqarnissaannullu killiliussatut piumasaqaatit pillugit Inatsisartut inatsisaanni nr. 4, 22. november 2018-meersumi maleruagassiuunneqarput. Naalakkersuisut akinut akuersisarnissaat ingerlatseqatigiiffinnut ataatsimut atuutsinneqarpoq. 2023-mi mittarfiit nutaat atulernerini akit ilusaannik atorineqartussanik naapertuuttunik piareersaanissaq siunertaralugu Ineqarnermut Attaveqatigiinnermullu Naalakkersuisoqarfimmi Mittarfeqarfiit aamma Kalaallit Airports A/S suleqatigalugit ingerlatsisoqarpoq.

Apeqqu 6. Qaqugu piginnittuussuseq Nuuk aamma Ilulissat mittarfii Namminersorlutik Oqartussat-niik Danmark-imi nutaamik piginnittoqalissava?

Akissut: Apeqqu Ilulissani Nuummilu mittarfiit pioreersut Kalaallit Airports A/S-imut tunniunneqarnissaannut ulluliussassamut tunngasutut paasivara. Ulloq taanna suli aalajangerneqanngilaq.

Apeqqu 7. Mittarfik sorleq Mittarfeqarfiit-mut isertitaqarluartussatut naatsorsuutigineqarpa, Nuuk aamma Ilulissat piginnittoqarnermikkut Danmark-imut piginnittuussuseq nuutsinneqarpat?

Akissut:

Innersuussutigineqarpoq nalunaarussiaq "Mittarfeqarfiit, mittarfiit nutaamik aaqqissuteqqinneranni ingerlatsinermi aningaasaqarnermut kinguniusinnaasut".

Nalunaarussiaq tamanit takuneqarsinnaavoq uani

<https://naalakkersuisut.gl/~media/Nanoq/Files/Attached%20Files/Infrastruktur/Mittarfeqarfiit%20-%20Drifts%20konomiske%20konsekvensberegninger%20i%20ny%20lufthavnsstruktur%20KAL.pdf>

Apeqqu 8. Mittarfeqarfiit allaffissornera Sisimiut-nut imaluunniit Kangerlussuarmut nuunneqassagaluarpat qanoq tamanna allaffissornermikkut aamma aningaasatigut kinguneqassava?

Akissut: Tamanna naatsorsuiffigineqarsimanngilaq – aammattaaq apeqqu 1-imut akissut takuuk.

Apeqqu 9. Naalakkersuisut qanoq iliuuseqarniarpat Mittarfeqarfiit sullitanik immikkoortitsisarnerat, sullissinermi aamma orsussamik pisiniartarnermi?

Akissut: Mittarfeqarfiit sullitaminnik immikkoortitsisarnerneqarnera tunngaviumik paatsuineruvoq. Mittarfeqarfiit ikummatissanik tunisinerminni akit immikkoortui aalajangersimasut naapertorlugit annertussutsimut akikillisaassisarput, sullitalu tamarmik assigiimmik periarfissarisannik. Silaannakkut angallannermi niuernermi sullitanut angisuunut akikillisaasiisarneq ileqquummat ilisimatitsissutigineqarsinnaavoq.

Aamma sullissisarnermut tunngatillugu Mittarfeqarfiit assigiinngisitsisarnerneqarnerat tunngaviumik paatsooneruvoq. Mittarfeqarfinni "Kiffartussiinernut akigitinneqartut" www.mit.gl aqqutigalugu atuarneqarsinnaapput, taakkunanilu allassimavoq, Mittarfeqarfiit ingerlatseqatigiiffinnut, Mittarfeqarfiit timmisartunut unittarfianni (airside) suliartussat timmisartuussisarnermi isumannaallisaaneq eqqarsaatigalugu aalajangersakkat taakku naapertorlugit akuerineqarsimasussaasut. Piumasaqaatit nunani tamalaani atuuttut nunap iluani nunanullu allanut timmisartuussisarnermi

isumannaallisaanermut piumasaqaatinut sillimaniarnermullu piumasaqaatinut tunngavigineqarput.

Apeqput 10. Naalackersuisut eqqarsaatersuuteqarpat nunap soqutiginarsarnissaa angallannermi politikikkut akuersissuteqartarnerup silaannakkut angallassisartut eqqarsaatigalugit?

Akissut: Silaannakkut angallassineq Danmarkimiit nunatsinnut angerlaanneqarnikuunngilaq. Naalagaaffimmi Trafik-, Bygge- og Boligstyrelseni oqartussaasuvoq. Tassalu Trafik-, Bygge- og Boligstyrelseni timmisartuussinissamut akuersissutinik tunniussisarput, Naalackersuisut pinnatik. Kisiannili Namminersolutik Oqartussat tunngaviusumik akuersissutinik, Kalaallit Nunaanni angallannermut annertunerusumik sunniuteqarsinnaasunik tusarniaassuteqarnermut akuutinneqartarput. Naalackersuisuniit Trafik-, Bygge- og Boligstyrelsenimut tusarniaanermi akissuteqaatit "angallannermut politikikkut akuersissutit"-ut taaneqartarput.

Neriuppunga qulaani allaqqasuni apeqquteqaatitit akineqartut.

Inussiarnersumik inuulluaqqusillunga



Karl Frederik Danielsen